



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CXII. Declaratio super actibus, & functionibus a S. Sede fieri solitis post  
electionem Regis Romanorum.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

1711. Clausula.

§. 2. Decernentes, easdem presentes literas, & statuta præinserta, semper firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari: sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit dictæ Civitatis, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis, habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, caterisque contrariis quibuscumque.

§. 4. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die VIII. Octob. MDCCXI. Pontificatus nostri Anno Undecimo.

CXII.

Declaratur, actibus, & functionibus a S. Sede peragi solitis post electionem Regis Romanorum in futurum Imperatorem eam non approbari, antequam ab ipso electo confirmatio petatur, & impetretur.

*Const. ed. 1711. Off. 3. P. 11. nulla declarata fuere Preces Primariæ a Vicariis Imperialibus expeditæ. Const. ed. 1713. Mar. 10. P. 14. extant Preces Primariæ pro Rege Romanorum in futurum Imperatorem. Et Const. ed. 1713. Mar. 29. P. 14.*

CLEMENS PAPA XI.

Ad futuram rei memoriam.

Acceptis literis de d. Electione indicta fuit a Pontifice dies pro sacrificio in gratiarum actionem, nec non significatur, se velle illis respondere, ac peragi solitos actus, & functiones.

Acceptis nuperrime a Charissimo in Christo filio nostro Carolo Hispaniarum Catholico, nec non Hungariæ, & Bohemiæ Regi Illustri literis, quibus Nobis significat se in conventu Electorali Francofurti ad Mænum habito in Regem Romanorum futurum Imperatorem, die 12. Octobris proxime præteriti electum fuisse, quemadmodum illico diem crastinam indiximus, qua in Pontificia nostra Capella, benedicente Domino Sacrosanctum Missæ Sacrificium in nostra, & Venerabilium Fratrum nostrorum S. R. E. Cardinalium præsentia pro gratis omnipotenti Deo de ejusdem electione agendis, de more celebrandum erit, ita alia etiam functiones præmissorum occasione per Romanos Pontifices Prædecessores nostros, seu eorum jussu, vel alias quovis modo peragi consuetæ, similiter a Nobis, seu jussu nostro, vel alias quovis modo peragendæ erunt, seu forsitan etiam aliquæ jam peractæ fuerunt. Præterea suprascriptis, & aliis ejusdem Caroli electi literis ad nos datis, ac in posterum dandis respondere intendimus, etiam illum Regem Romanorum in Imperatorem electum

appellando. Verumtamen ne ex prædictis, & quibuscumque aliis actibus, & functionibus tam nostris, quam quorumcumque nostrorum, & Sedis Apostolicæ Officialium, ac Ministrorum, etiam speciali nota dignorum, etiam Nunciorum Apostolicorum, ac quorumcumque S. R. E. Cardinalium, etiam de latere Legatorum tam publicis, quam privatis quodcumque, ubicumque, & quomodocumque faciendis, seu forsitan etiam factis, ac inde secutis, & secuturis quibuscumque possit unquam prætendi nos electionem prædictam approbasse, & confirmasse, etiam si talis præsentio minime subsistat, cum Apostolica confirmatio hujusmodi, tam de jure, quam de more non nisi primo coram nobis exhibitis electionis, & aliorum ad id requisitorum Instrumentis, & prævia matura causæ cognitione in nostro Consistorio Secreto, & sub Bulla Consistoriali concedi, & expediti consueverit: nihilominus omnem in præmissis ambigendi materiam præcidere, mentemque, & intentionem nostram palam facere volentes, omniumque, & singulorum præmissorum, ac quorumcumque aliorum actuum, & functionum hæcenus, & deinceps quodcumque, ubicumque, quomodocumque a Nobis, vel aliis quibuscumque cujuscumque qualitatis, Dignitatis, etiam Ecclesiasticæ, status, gradus, & conditionis, etiam individua expressione dignæ extiterint, & pro tempore existant, etiam de mandato nostro, & alias quovis modo, tam cum eodem Carolo electo, quam cum ipsius Caroli electi Oratore, & Oratoribus, ac Ministris, etiam in Romana Curia factorum, & faciendorum, & inde sequutorum, & sequutorum, aliorumque hic forsitan exprimendorum, & inferendorum, etiam particulari mentione dignorum tenores, circumstantias, & quaslibet singularitates, etiam majores, & veriores præsentibus pro plene expressis, & insertis habentes. Motu proprio, & ex certa scientia, & matura deliberatione, nostris, deque Apostolicæ potestatis plenitudine, præsentium serie attestamur, declaramus, & decernimus nostræ mentis, intentionis, & voluntatis incommutabilis semper fuisse, & esse, ac deinceps fore per omnes, & singulos actus, functiones, receptiones, recognitiones, & tractatus quoscumque verbo, scriptis, etiam per literas Apostolicas sub Plumbo, ac in forma Brevis, sub Annulo Piscatoris, & missivas, ac factio a Nobis, & respective a dilecto filio nostro Fabricio tituli Sanctorum Joannis, & Pauli S. R. E. Presbytero Cardinali Paulutio nuncupato, Secretario nostro Status, nec non dilecto etiam filio nostro Josepho Renato S. Georgii in Velabro ejusdem S. R. E. Diacono Cardinali Imperiali itidem nuncupato ad prædictum Carolum electum nostro, & dictæ Sedis de Latere Legato, & a quovis alio ipsius S. R. E. Cardinali, etiam de Latere pariter Legato, ac similiter a Nunciis Apostolicis, etiam apud eundem Carolum electum nunc, & pro tempore nomine nostro, & ejusdem Sedis residentibus, & a quibuscumque aliis nostris, & Sedis prædictæ Officialibus, & Ministris ubicumque residentibus etiam individua mentione dignis, etiam de mandato nostro quodcumque, ubicumque, & quomodocumque factos, & factas, & pro tempore faciendos, & faciendas, ac inde secuta, & secutura quæcumque atque pluribus vicibus iteratos, & iterata ac effectum sortitos, sortitas, & sortita, quoscumque, & qualiacumque sint, & pro tempore fuerint, etiam cum Oratore, & Oratoribus nunc, & in perpetuum, etiam apud Nos, Sanctamque Sedem prædictam, nomine ejusdem Caroli, etiam uti Romanorum Imperatoris electi pro tempore residenti, & residentibus, ac cum quibuscumque aliis ipsius Caroli electi Officialibus, Ministris, Procuratoribus, & Pleni-

1711. Quibus tamen non approbatur eadem Electio, quia requiritur Confirmatio per Bullam Consistorialem.

Causa præsentis declarationis.

Declaratio præd. cum amplissimis formulis, & cautela cautelis adduntur.

Dat. 18. Dec. 1711. An. 12.

potentiariis quavis occasione, & causa, etiam ratione foederis universalis, ac defensionis, & propagationis Fidei Catholicae, & quavis alia, etiam particulari expressione digna haecenus, & pro tempore facta, tractata, & gesta, faciendaeque, tractanda, & gerenda, necnon per quascumque denominationes, inscriptiones, appellationes, nuncupationes, & narrativas in favorem praedicti Caroli in Regem Romanorum futurum Imperatorem electi per quoscumque, etiam nomine nostro, & Apostolicae Sedis, ac etiam per Nos quomodolibet factas, & pro tempore faciendas, illum etiam Regem Romanorum in Imperatorem electum appellando: ac etiam per quaecumque Oratoris, & Oratorum, sive Ablegati, & Ablegatorum ad Nos, & Sedem Apostolicam ab eodem Carolo electo destinati, & destinatorum, missive, & mittendorum receptionem, & admissionem ad audientiam nostram, & ad osculum pedum nostrorum cum quibuscumque apparatus, caeremoniis, circumstantiis, praerogativis, antelationibus, etiam publicis, etiam extraordinariis, & insolitis quomodolibet expresse, vel tacite haecenus concessis, & datis, concedendis, & in posterum dandis, etiam tanquam Oratori, & Oratoribus, sive Ablegato, & Ablegatis Romani Imperatoris electi, non intellexisse, nec voluisse, minusque in posterum intelligere, nec velle praedictam ejus electionem approbare, nec confirmare; quinimo nostrae mentis, & voluntatis fuisse, & deinceps fore, ut juxta consuetum confirmatio Apostolica hujusmodi per praedictum Carolum electum petatur, & per literas Apostolicas Consistoriales a Nobis, & S. R. E. Cardinalibus subscriptas expediri impetretur, & interim nedum omnem approbationem, & confirmationem, sed etiam cujuscumque approbationis, & confirmationis expresse, & tacite concessionem, & quemcumque ejus effectum suspendimus, suspensionemque, & suspensum fuisse, & esse, ac deinceps fore declaramus, ac pro suspensus haberi volumus, & decernimus. Praesentesque literas de subreptionis, vel obreptionis, seu nullitatis vitio, aut intentionis nostrae, vel alio quocumque defectu, etiam ex eo, quod quicumque in praemissis interesse quomodolibet habentes, & habere praetendentes, cujuscumque status, gradus, qualitatis, dignitatis, & conditionis existant, & extiterint, ad id vocati, citati, & auditi non fuerint, notari, impugnari, infringi, seu redargui nullatenus posse, neque sub quibuscumque revocationibus, suspensionibus, moderationibus, derogationibus, & quibuscumque aliis contrariis dispositionibus generalibus, etiam motu, scientia, deliberatione, & potestatis plenitudine paribus, etiam consistorialiter, & alias quomodolibet, etiam per Nos, & Romanos Pontifices Successores nostros faciendis comprehendenti: sique, & non aliter per quoscumque Judices Ordinarios, & Delegatos, etiam Caesarum Palatii Apostolici Auditores, ac etiam S. R. E. Cardinales etiam de Latere Legatos, & Nuncios, quavis auctoritate, & potestate fungentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari similiter decernimus.

S. i. Non obstantibus praemissis, ac Constitutionibus, & ordinationibus quibuscumque tam Apostolicis, quam Imperialibus, ac Cancellariae Apostolicae Regulis, etiam individuum derogationem requirentibus. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, inserta mentio habenda foret, te-

nones hujusmodi, etiam majores, & vetiores, praesentibus pro plene, & sufficienter expressis, ac de verbo ad verbum insertis habentes ad effectum omnium, & singulorum praemissorum specialiter, & expresse derogamus, caeterisque contrariis quibuscumque.

Datum Romae apud Sanctum Petrum sub Annulo Piscator. die XVIII. Decembris MDCCXI. Pontificatus nostri Anno Duodecimo.

Conceditur extensio numeri duodenarii Magistrorum ad octodenarium pro Provincia Limana Ordin. Eremitar. S. August. in Indiis Occident.

Const. ed. 1710. Maji 20. P. 10. auctus fuit numerus Magistrorum in Provincia Chilien. Et Constit. ed. 1720. Oct. 20. P. 20. augetur numerus eorundem in Provincia Peruviana.

CLEMENS PAPA XI.

Ad futuram rei memoriam.

EXponi Nobis nuper fecerunt dilecti filii Fratres Provinciae Limanae Ordinis Eremitarum S. Augustini in Indiis Occidentalibus, quod dicta Provincia quatuor Domus Studiorum non parum conspicuas, & decoras habet, & in prima quidem Beatae Mariae Virginis de Gratia nuncupat. continuo adsunt quatuor Lectores, duo nempe Theologiae speculativae, alter Theologiae Moralis, & alius Philosophiae; in secunda vero, quae est Collegium S. Idelphonsi Universitatis Pontificiae praerogativa, maximisque privilegiis gaudens, octoginta circiter una cum Lectoribus studentes, ac tres Lectores Theologiae speculativae, quorum primus Maturinus, alter Nonae, & alius Vesperarum respective nuncupantur, necnon unus Lector Theologiae Moralis, & alii duo Philosophiae, unus Regens, & unus Magister Studiorum, qui semper est Lector Theologiae; Ac in tertia, quae est Cuscentis, quinquaginta circiter Studentes, duo Lectores Theologiae speculativae, alter Theologiae Moralis, & alius Philosophiae, ac unus Regens; in quarta denique Domorum hujusmodi, quae est Chuquisacensis, seu Platenis, quadringentis leucis a Civitate Limana distans, triginta circiter una, etiam cum Lectoribus Studentes, quorum Lectorum duo sunt Theologiae speculativae, alter Theologiae Moralis, & alius Philosophiae, respective reperiuntur, ac insuper in eadem Provincia quadraginta duo Lectores jubilati numerantur, quorum decem vel duodecim in magno Conventu Liman. dicti Ordinis commorantur, ubi continuo pariter adsunt viginti Doctores, seu Magistri in Sacra Theologia, qui Doctoratus, seu Magisterii Lauream in Regia Liman. Studii Generalis Universitate adepti fuerunt, ibique a dicta Provincia ad effectum ut succedente alienis in dicta Universitate Cathedrae vacatione, ad illius consecutionem una cum aliis, sive Regularibus, sive Saecularibus ibidem ad eundem effectum commorantibus concurrere valeant, manuteneantur, ac plerumque Ordo praedictus tres, aut quatuor Cathedras in eadem Universitate habere solet.

S. i. Cum autem, sicut eadem expositio subiungebat dicta Provincia pro tot Religiosis Studiiis, Doctrinaeque deditis nullum aliud habeat quod virtuti rependat praemium, quam duodecim Magisteria de numero, nec ullus doctorum Religiosorum ad Magisterii hujusmodi gradum, nisi per obitum alicujus illum obtinentis vacaverit, promoveri possit, ac proinde ipsi Exponentes, quo Religiosis praedictis novi ad studia,

CXIII.

Dat. 26. Febr. 1712. An. 12.

Describitur praesentia quatuor domorum pro Studiis Provinciae.

VIXO

Causa concessionis, & preces Provinciae.

& virtutes

Necessitas petendi, & impetrandi a S. Sede Electionis Confirmationem.

Clausula.